

Ze barri?

ESKORIATZA / Egubakoitza / 2005eko apirilaren 29a / 206. zenbakia

KOORDINATZAILEA: Iker Barandiaran • Otalora 31 ARRASATE 20500 • Tel.: 943 71 25 11 • Faxa: 943 71 23 89 • Posta elektronikoa: zebarri@goiena.com • Lege gordailua: SS200/99

Iraunkortasunerako Tokiko Foroa abian jarri dute

IKER BARANDIARAN

Tokiko Agenda 21en prozesuaren barruan, Eskoriatzako Udalak Iraunkortasunerako Tokiko Foroa abian jarri du. Horren bidez, udalerraren iraunkortasunaren aldeko pausoak eman gura dituzte, eta ezinbestekotzat dute herritarren parte-hartzea.

2004ko apirilean Udala Talde 21 Debagoiena lan taldea osatu zuten, Agenda 21 egitasmoa ibarrean ezartzeko. Hainbat prozedura Debagoiena mailan egiten dituzten arren, udalerrri bakoitzari autonomia eman diote dagozkion pausoak eman dituzten.

Eskoriatzako Udala, Ingurune enpresarekin batera, udalerraren gaineko diagnosi osatua egiten dabil. Dagoeneko zirriborroa eginda daukate eta martitzenean osoko bilkuren aretoan horren gaineko azalpenak eman zituzten.

ESKORIATZARRAK, KONTENTAGAITZ

Horrez gain, Mankomunitateak eta aipatutako enpresak inkesta bat egin dute ibarrean, debagoiendarrek hainbat arlo zelan baloratzen duten jakiteko. Jasotako datuen arabera, eskoriatzarrak dira euren herriarekin kontentagaitzen dauden debagoiendarrak. Horrekin lotuta, honako hauek dira eskoriatzarrak gehien arduratzen dituzten gaiak: etxebizitza eskuratzeko zailtasunak, nekazaritzaren eta abeltzaintzaren etorkizuna, pobreziari aurre



Ingurune enpresako ordezkariak egin zuten ekimenaren aurkezpena.

egiteko lanak, eta droga-menpekotasunak dituztenei laguntzeko ekimenak, hain zuzen ere. Ingurumenari dagokionez, oinezkoendako ekipamenduak, erreken egoera eta berdeguneen urritasuna dira ardura handienak.

**Udalerraren gaineko
diagnosia bukatu
ahala, gura duten
herritar guztiak
foroan elkartuko dira**

Martitzeneko aurkezpenean, Ingurune enpresako Arkaitz San Josek eta Karlos Alonsok nabarmendu zuten Tokiko Agenda 21 ez dela bakarrik ingurumenean oinarritzen. "Ingurumenaz gain, egoera ekonomiko eta soziala ere kontuan hartzen ditugu. Azken finean, iraunkortasuna gure eta ondorengo bizi-kalitatea bermatzea da", azaldu zuten.

Ekimenaren berri eman eta diagnosiaren zirriborroa aurkeztu ostean, osoko bilkuren aretoan batutako herritarrek mahai-ingurua egin zuten. Foroaren hurrengo batzar irekia San Pedro jaien aurretik egin gura dute.

Zeramikaren gaineko erakusketa bitxia Ibarraundin

I.B.

Telleria Baserriko Jaia 05 jardunaldien barruan, zeramikaren gaineko erakusketa jarri dute Ibarraundin. Pareja eta Bayarri artista valentziarren *Esculturas de luz* ikusgai dago.

Telleria Baserriko Jaia 05 ibarrean antolatzen dituzten bigarren zeramikagileen topaketak dira. Iaz *Ceramikarte* webguneak Arrasaten egin zituen jardunaldi horiek, eta ekimenak oso harrera ona jaso zuen.

Horregatik, aurten, beste edizio bat antolatzea erabaki dute, eta egitaraua Arrasaten, Oñatin eta Eskoriatzan banatu dute.

Horren bitartez, Eskoriatzako zeramikaren gaineko lan berritzaileak ikusteko aukera izango da. Hain zuzen ere, atzo, egun inauguratu zuten Rafael Pareja eta Samuel Bayarri artista valentziarren erakusketa, *Esculturas de luz* izena duena.

Ibarraundi Museumean jarri dute erakusketa, eta maiatzaren 16ra arte egongo da ikusgai. Ordu egia honako hau da: astelehena, 09:00etatik 13:00etara; asteartea, 13:00etatik 16:00etara; asteazkena, 12:00etatik 14:00etara; osteguna, 18:00etatik 20:00etara.

Valentziako bi artista horien sari ugari eskuratu dituzte egindako lanengatik.



Rafael Pareja eta Samuel Bayarri artistek sari asko jaso dituzte.

LENIZ, C.B. KONPONKETAK

LENIZ
ESKORIATZA

TXAPA, MARGOA eta MEKANIKA

SUZUKI

Aingeru ibiltokia z/g. • Tel.: 943 71 50 61 • Eskoriatza

**TOKI
ALAI
TABERNA**

**Karajiloetan
espezializatua**

Tel.: 943 71 47 29
ESKORIATZA

SAION DE BELLEZA
OSASUNA ETA EDERGINTZA
DORLETA

Aranburuzabala 22, behe
ESKORIATZA
Tel.: 943 71 51 20

**Txalaparta
taberna**



Aranburuzabala 25
ESKORIATZA

TELEFONOJAKINGARRIAK

ESKORIATZA

Udaletxea	943 71 44 07
Udal bulegoak	943 71 45 32
Udaltzaingoa	943 71 44 07
Euskaltegia	943 79 21 68
Kultura etxea	943 71 46 88
Gizarte laguntzailea	943 71 31 36
Kirol etxea	943 71 53 28
Liburutegia	943 71 31 35
Lois Eceiza	943 71 53 56
Jose Arana Almen Ikastola	943 71 44 86
Almen	943 71 49 07
Museo Eskola	943 71 54 53
Axtroki	943 71 40 77
HUHEZI	943 71 41 57
Osakidetzak	943 71 44 52
Telesko	943 71 49 17
Taxiak	943 71 40 59

BESTELAKOAK

Eskualde ospitalea (Arrasate)	943 00 53 00
Gurutze Gorria (Bergara)	943 76 55 76
Ertzaiztza (Arrasate)	943 79 71 99
Suhiltzaileak (Oñati)	943 79 28 00
Renfe (Zumarraga)	943 72 15 15
Renfe (Gasteiz)	945 23 20 30
PESA (Arrasate)	902 10 12 10
Lanialdiak (Arrasate)	943 77 10 43
SOS Deiak	112

OHARRAK

AKONKAGUAREN GAINEKO ARGAZKI ERAKUSKETA
Aitzorrotz Kultur Elkarteak Akonkaguaren gaineko argazki erakusketa jarriko du Inkernu tabernan. Maiatzaren 3tik 18ra egongo da ikusgai.

EUSKAL LIGAKO ARETO FUTBOLA
Bihar, zapatua, euskal ligako areto futbol taldeak Frutas Adarraren kontra jokatu du, 17:00etan.

SAN PEDRO JAIETARAKO NORMA-IRUDI LEHIAKETA
Abian jarri dute San Pedro jaietarako horma-irudi lehiaketa. Informazio gehiago, kultura etxean.

AXTROKIRENAGENDA

ASTELEHENEKO GOIENKARIKO HARPIDETZAN BEHERAPENA
Axtrokiko bazkideek 5,50 euroko beherapena izango dute Asteleheneko Goiienkariko harpidetzan. Deitu honako telefono zenbakira: 943 76 92 70.

ENRIKE MAZMELA BOLINAGA

HORTZ KLINIKA

Eduardo Gorosari 3-1. esk.
Tel: 943 71 47 36
Eskoriatza

AITZORROTZ EGUNA

Herri bazkari barik bada ere, guztia prest Aitzorrotz egunerako

IKER BARANDIARAN

Dagoeneko heldu da eskoriatzarrek hain gustuko duten eguna: Aitzorrotz eguna. Aspalditik ospatzen dute egun hori, eta izen handia dauka bai herrian eta baita ibarrean ere. Hain zuzen ere, nagusiek eta txikiek mendi horren inguruak bete egiten dituzte egun seinalatu horretan.

Jai horren jatorriaren gainean hainbat esames daude, eta esaterako bitxia da jaia zein egunetan ospatu behar dutenaren gaineko zalantza. Batzuek diote maiatzeko lehenengo domekan dela; eta beste batzuek, Santa Kurtz eguna igaro eta ondorengo lehenengo domekan izan behar dela. Kasu batzuetan bakarrik sortzen da zalantza hori, baina halakoetan Bolibarko parroko On Kruz Abarrategik izaten du azkeneko hitza. Izan ere, bera da Aitzorrotzeko ermitako ardura-duna.

Urtero moduan, 09:00etan txistulariek diana joko dute, herri-tarrei egunaren berri emateko. 09:30ean, hainbat lagun herriko plazan elkartuko dira Aitzorrotzera taldean igotzeko. 11:30erako, Aitzorrotzeko ermitan meza hasi orduko, mendi puntan egongo dira gehienak.

Elizkizunaren ostean, Xapre eta Zaharra tritikitulariek emaldia egingo dute, eta mendian batutakoak alaitu egingo dituzte.



AITOR LIZARRALDE

Oso garrantzitsua da Aitzorrotz eguna eskoriatzarrendako eta, kontuan hartzeko hitzordua debagoiendarrendako.

EZ DUTE HERRI BAZKARIRIK EGINGO
Aurtengo aldaketa nagusia izango da ez dutela herri bazkaririk egingo. Azkeneko urteotan eguraldi txarraren ondorioz ez dira hainbeste lagun batu, eta hortaz hori kentzea erabaki dute antolatzaileek. Horren ordez,

Aitzorrotzeko tabernan ogitarte-koak eta kafea gertatuko dituzte. Hala, mendian bertan bazkaldu gura duenak izango du aukera.

JAIK ARRATSALDEAN JARRAITUKO DU
Urtero legez, arratsaldean menditik herrira jaitsi eta jaiak

herrian jarraituko du. 18:30ean, Kaixo taldearekin dantzaldia izango da herriko plazan, eta herriarrek etxean egindako tortillak salduko dituzte. Tortillekin jasotako dirua Aitzorrotz gobernu-z kanpoko erakundeari eta elbarrituei bideratuko diete.



Bihar, zapatua, Anger eta Biok taldeen kontzertua gaztetxean

Gaztetxeko batzarra hasi da berriro gogor lanean. Bihar, zapatua, kontzertu indartsua egingo dute, 22:30ean. Galdakaoko Biok eta Arrasateko Anger taldeek metalaren muturrean dauden kantuak eskainiko dituzte, beti ere melodiak zainduz. Biek hala biek ibilbide arrakastatsua egin dute, eta Eskoriatzan kantu berriak aurkeztuko dituzte. Angerrek laster izango du disko berria. /I.B.

LABUR

Apotzagako bide alternatiboarekin hainbat arazo

Badirudi Apotzagako arazoa ez dela berehala konponduko. Aurrekoan aditzera eman genuen Udalak bere gain hartu zituela bide berria egiteko lanak. Hortaz, autobideko lanek iraun bitartean, Apotzagako lagunek beste bide hori erabili ahal izango zuten.

Lanak hasita daude (joan den asteko martitzenean hasi zituzten) eta ez dituzte eten, baina arazo bat dute. Bidea Aretxabaletako Apotzaetxe-barri auzotik igaroko da, eta hala jakinarazi zioten Aretxabaletako Udalari. Baina asteburuan, Apotzaetxe-barriko lagunek aditzera eman zuten ez dutela hori onartuko. Hori entzun ostean, Eskoriatzako Udaleko ordezkariak Aretxabaletako alkate Arritxu Olidenekin batzar bat egiteko asmoa zuten.